



Na osnovu člana 22 Statuta Brčko distrikta Bosne i Hercegovine (Službeni glasnik Brčko distrikta BiH, broj 2/10 – prečišćeni tekst), Skupština Brčko distrikta BiH, na 68. redovnoj sjednici održanoj 14. oktobra 2020. godine, usvaja

ZAKON

O IZMJENI I DOPUNAMA ZAKONA O INSPEKCIJAMA BRČKO DISTRIKTA BOSNE I HERCEGOVINE

Član 1

U Zakonu o inspekcijama Brčko distrikta Bosne i Hercegovine (Službeni glasnik Brčko distrikta Bosne i Hercegovine, brojevi: 24/08, 25/08, 20/13, 16/18, 8/19, 11/20 i 24/20), u članu 68 stavu 1 u tački t) iza riječi: „šumarski inspektor“ interpunkcijski znak tačka: „(.)“, zamjenjuje se interpunkcijskim znakom tačka-zarez: „(;):“.

Iza tačke t) ovog člana dodaje se nova tačka u), koja glasi:

„u) inspektor za udruženja i fondacije.“

Član 2

U dijelu sedam iza POGLAVLJA XXI dodaje se novo POGLAVLJE XXII i članovi 108a i 108b, koji glase:

„POGLAVLJE XXII. INSPEKTOR ZA UDRUŽENJA I FONDACIJE

Član 108a

(Oblast nadzora inspektora za udruženja i fondacije)

(1) Inspektor za udruženja i fondacije obavlja inspeksijski nadzor nad provođenjem zakona i drugih propisa koji se odnose na:

- a) osnivanje udruženja i fondacije;
- b) nadzor nad radom organa udruženja i fondacije;
- c) ostvarivanja prava, obaveza i odgovornosti udruženja i fondacije;
- d) obavljanje srodnih i nesrodnih privrednih djelatnosti;
- e) ostvarivanje ciljeva udruženja i fondacija predviđenih statutom.

(2) Inspektor za udruženja i fondacije obavlja i druge poslove inspekcijskog nadzora u vezi s radom udruženja i fondacija u skladu sa zakonom i posebnim propisima.

Član 108b

(Ovlaštenja i dužnost inspektora za udruženja i fondacije)

(1) Inspektor za udruženja i fondacije u vršenju inspekcijskog nadzora ovlašten je i dužan da kontroliše:

- a) prostorije sjedišta udruženja i fondacije;
- b) postupanje u skladu sa Zakonom o udruženjima i fondacijama Brčko distrikta Bosne i Hercegovine (u daljnjem tekstu: Zakon o udruženjima i fondacijama) u pogledu prijave izmjena podataka relevantnih za upis u registar, a naročito izmjene i dopune statuta, ciljeva i djelatnosti, statusnih promjena, sjedišta, lica ovlaštenih za zastupanje;
- c) naziv udruženja ili fondacije u skladu s nazivom upisanim u registar;
- d) postupanje u skladu s ciljem i svrhom udruženja i fondacije kako je propisano statutom udruženja, odnosno fondacije;
- e) obavljanje privrednih djelatnosti u skladu sa Zakonom o udruženjima i fondacijama;
- f) održavanje sjednice skupštine udruženja ili upravnog odbora fondacije;
- g) dostavljanje finansijskog izvještaja na način propisan Zakonom o udruženjima i fondacijama;
- h) vođenje spiska članova udruženja na način propisan Zakonom o udruženjima i fondacijama.

(2) Inspektor za udruženja i fondacije je ovlašten preduzeti i druge mjere i radnje.“

Član 2

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-1033/20

Brčko, 14. 10. 2020. godine

PREDSJEDNIK
SKUPŠTINE BRČKO DISTRIKTA BiH

Esed Kadrić